

ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

mały róžk 2024
28. lětnik, 281. wudaće

Prěni nalětni postrow

Prjedy hač nas stónco zaso wohrěwa, wotuća prěnje kwětki ze zymskeho spara a připowědža nalěčo. *Ale čehodla kćěja někotre kwětki tak zahe?* K zažnokćějakam słušeja na přikład sněhowki, zymnička (Winterling) a krokusy. Woni maja wšelakore barby a formy a wotuća tak zahe, dokelž trjebaja stónčne městno, prjedy hač štomy a kerki kćěja a jim městno začěmnja. Jeli kćěje na přikład zymnička w lěcu, potom njeby za nju dosć stónca byto, dokelž rosće w bliskosci lěsa. Zo by potajkim dosć stónca měta, kćěje zašo. Mocy bjeru zažnokćějaki ze składowanych rezerwow w korjenjach. Tak móža stónčne pruhi najlěpje wužiwać. Nimo toho maja mało łopjenow, dokelž so na wuwice kćenja koncentruja. Hdyž w nalěcu potom štomy kćěja, wuwijawa zažnokćějaki symješka, prjedy hač překćěja.



- tekst: Milan Borška -

Judo

Na našej šuli steji judo w sporće we 8. lětniku na planje.
Ale što judo poprawom je?

Judo pochadža z Japanskeje a je bojowy sport, kotryž so na mjetanje a zemski bój koncentruje. Zaměr tuteje sportoweje družiny je, přećiwnika po móžnosći spěšnje na zemju přinjesć a kruće dźeržeć kaž tež so ze strašnych situacijow zaso wuswobodzić móc. Wosebje wažne je wušikne nałożowanje mjetanskich technikow. Hdyž je přećiwnik na zemi, maš móžnosć čeknyć abo techniki k wobeńdženju dalších nadběhow nałożować. Cyle hinak hač pola karate steja pola judo samozakitowanske techniki na přěnim



městnje. Judo je so wot Jigoro Kano založit a je wot 1964 olympiska sportowa družina.

Što je rozdžěl? Judo abo karate?

W přirunowanju z judo jedna so pola karate wo puki a kopanje jako zakitowanske srědki. Karate je agresiwny bojowy sport z cilom, spěšnje a mócnje reagować. Štóz je skerje za zakitowanski koncept, za toho so karate lěpje hodži. Za wosoby, kotrež so radšo na mjetanje koncentruja, potajkim bój při zemi, je judo zawěšće lěpši rozsud.

- tekst: Louisa Domanic, wobraz: Geschichte Judo (tsv-1864.de) -



Dowol w zymskich prózdninach

Zymske prózdniny su perfektnje za rjany swójbny dowol. Husto pak je problem, dowolowy cil namakać. Tu mamy někotre přikłady:

Awstriska

Woblubowane za sněhakowanje: Sy z ćahom abo awtom poměrnje spěšnje tam, hdžež wulkotne sněhakowarske kónčiny na tebe čakaja. Wšojedne hač za freestylerow abo za swójby, hač ćežke wotjězdy abo jednore pisty. Jara woblubowany je mjez druhim Južny Tirol.

Sakska Šwica

Njedawa ničo rjeńšeho hač w blišej wokolinje ćišinu kaž tež mystisku naladu při pućowanju dožiwić. Při tym zadychaš zymny, šćipaty a strowy powětr. Po tym móžeš so w halowej kupjeli abo sawnje zaso zwohrěwać. Tež sněhakowanje, snowboardowanje abo smykanje su tu, wotwisnje wot wjedra, móžne.



Tohorunja móža so w zymje ćopte kónčiny wopytać:

Barcelona

Ćopty klasikar za zymske měsacy je Barcelona. W decemburu a januaru móža tam temperatury hač na 14 stopnjow stupać. Optimalnje za wjedženje po měsće. Ličba dnjow z deščom je přehladna, tak zo maš dobre šansy na slóncu.



Thailandska

Thailandska je so mjeztym k wućekej za wšitkich stała, kotřiž nimaja lóšt na zymu a sněh. Z temperaturami mjez 23 a 32 °C leži horcota pak hišće w znjesliwym wobtuku.

Podaj so do dowola!

- tekst: Louisa Domanic -

KWIS K PÓSTNICAM

1. Kak so čas wokoto póstnicow hišće mjenuje?

A: złoty čas B: póstny čas C: pjaty počas

2. Kotra reja so ke karnewalej w Rio de Janeiro rejuje?

A: samba B: cha-cha-cha C: tango

3. Hdy započínaja so póstnicy?

A: 12. februara B: 11. nowembra C: 8. meje

4. Čehodla skónča so póstnicy na popjelnej srjedže?

A: dokelž započína so póstny čas

B: dokelž su wšitcy dosć swječili

C: dokelž je konfeti wupředaty

5. W kotrym italskim měsće swjeći so karnewal z maskami?

A: Sienna B: Venedig C: Rom



6. Kotry naložk haji so k póstnicam?

A: pytanje jejkow B: štomy pyšić C: so předrasćić



- tekst: Judit Šurec, wobraz: www.pinterest.de -

Namakaš puć wot spočatka do cila?



- žórto: www.Raetseldino.de -

INFORMACIJE - TERMINY - WŠELČIZNY

wot 16. wulkeho rózka do 2. małeho rózka

kontejner za staru papjeru

wot 29. wulkeho rózka do 2. małeho rózka

sněhakowarske lěhwo

6. małeho rózka

8. lětnika do Altenberga

9. małeho rózka

wolejbulowy turněr we Worklecach,

9. a 10. lětnik

wot 12. do 23. małeho rózka

wudaće połětnych informacijow/

póstnička

zymske prózdny

- zbytnje wobrazy: www.pixabay.de -